

## A BOLA DE PAN

Hai homes traballadores e honrados a feixes. Todo mundo traballa, porque todo é traballar: roubar, xurar falso, namorar a muller allea, matar a outro, facer trampa no xogo... ¡todo, porque todo precisa inxenio, astucia, cálculo, anque soilo sexa pra máis tarde fuxir das uñas de civiles e xueces!

¿Honradés?...

Esta é unha virtude que moitos conservan hastra morrer, pol'a mesma razón que conservan os cornos os bois. ¡Nacéronlles na testa, e moito non lles estroban... déixanos andar!

Moitos son honrados porque xa naceron así. E como non hai quen merque iso, como non hai tampouco quen dea un chavo